

سنة لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکم عدلیه

آبونه اولق ایستینلر دائره عدلیه ده
اداره مخصوصه سنه
ایتملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

افاده مخصوصه

ولی نعمت بیتمن پادشاه عدل و داد و شهریار
مکارم معتاد افندمر حضر تلینک مقاصد جلیله
ملکدار اعظمیلری بالعموم تبعه و زیردستان
همایون ملوکانه لرینک متساویاً دلسیر نعم عدالت
و هر حال و کارده مظهر صلاح و سعادت اولملری
اسباب و وسائلك استحضار و استکمالی خصو-
صاته معطوف بولنسیله حقوق عمومیه و
شخصیه نك احکام شرعیه و قانونیه دائره سنده
رؤیت و تمشیتی و وظیفه مقدسه سیله مکلف اولان
محاکمه پیدرپی تشکیلات لازمه و اصلاحات
کامله اجرا بیورلمقده و بالجمله حکام و مأمورینک
قاعده عدل و حقانیتیه توفیقاً حسن ایفای وظائفه
بغایت دقت و اعتنا ایملری شرفیرای صحایف
سنوح و صدور بیوریلان ارادات معدلت آیات
شاهانه جمله مبجله سندن بولنمقده اولمسیله
محاکم و دوائر عدلیه جه جریان ایدن محاکمات و
معاملات و هر کونه مقرراتی و خصوصیه امور
مأموره لرنده سوء استعمالاتی کوریلان حکام
وسائر مأمورین عدلیه حقلرنده اجرا قلنان
مجازاتی انظار عمومیه یه ارئه مقصدیه و جریده
محاکم نامیه هفته لق بر غزته طبع و نشر ایدلمسکده
ایدیسه ده بو غزته نك صورت تأسیسی سایه
معالیوایه حضرت خلافتناهیده تشکیلات
عدلیه جه ایوم حصوله کلان انتظام و مکملیتله
پکده متناسب اولمادیغندن آنک یرینه (جریده

محاکم عدلیه) نامیه هفته ده ایکی دفعه چیقماق
اوزره بر غزته نك صورت منتظمه ده نشری
بو کره شرفتمعلق بیوریلان اراده اصابتعاده
حضرت شهریار ایتضای جلیلندن اولمغله اشبو
غزته نك بمنه تعالی بو کوندن و بر نومروندن
اعتباراً طبع و نشرینه ابتدار اولتمش و چونکه
بو غزته محکمه تمیزک مقررات مهمه سیله قوانین
و نظاماتجه و قوعبولان تعدیلات و تبلیغات عمومیه
وسائر معاملات و اعلانات عدلیه یی محتوی
اوله جفغه بناء کما کان و بالطبع پولتیقه و ادبیات
وسائر دن بحث ایتیه جکی ده مقرر بولنمشدر.
همان جناب احکم الحاکمین خلیفه روی زمین
و پادشاه عدالتقرین افندمر حضر تلینکی الی آخر
الدوران سریر آرای شوکت و شان بیورسون
آمین.

خداوندکار ولایتی مرکز بدایت محکمه سی سر-
مستطقلکنه انقره ولایتی مرکز بدایت محکمه سی
سر مستطقی قوتلو منیب بک

انقره ولایتی مرکز بدایت محکمه سی مستطقلکنه
خداوندکار ولایتی مرکز بدایت محکمه سی سر مستطقی
توفیق افندی

دیاربکر ولایتی مرکز بدایت محکمه سی سر
مستطقلکنه حلب ولایتی مرکز بدایت محکمه سی
ایکینجی مستطقی ابراهیم افندی

قدرد قضا سی بدایت محکمه سی مستطقلکنه سعرد
سنجانی بدایت محکمه سی مستطقی احمد رفعت افندی
قیصریه سنجانی بدایت محکمه سی مستطقلکنه یانیه
ولایتی استیناف محکمه سی باش کتبتدن منفصل اسماعیل
حق افندی

سینوب سنجانی بدایت محکمه سی برنجی کتابته
مدلل سنجانی بدایت محکمه سی مقاولات محوری
سابق حسنی افندی

ارغنی سنجانی بدایت محکمه سی اجرا مأمورینه
محکمه مذکوره ضبط کتبه سندن رضا افندی تعیین
اوله رق مومی الیهمدن ذاتاً مخلف اولمیانلرک اصول
مقرره و جهله اجرای تحلیفیلری محللرینه اشعار
ایدلمشدر.

تبلیغات

ولی نعمت بیتمن اعظممن ذات خلافت سہات
پادشاهمز افندمر حضر تلینک عمده آمال معالی
اشتمال همایونلری امور و مصالح عبادک وقت و زمانیه
رؤیت و تمشیتیه معطوف و اصابت افزای سنوح
و صدور بیوریلان ارادات مهابت غایت حضرت
خلافتناهیملری حکام و مأمورین عدلیه نك بهر یوم
صباحلین بشده ایشلری باشنده بولنوب ساعت اوندن
صکره انفکاک ایتملری نقطه سنه مصروف اولدیغی
حاله حکامدن بعضیلرینک صورت منتظمه ده دوام
خصوصنده اختیار تراخی و تکاسل ایلکده اولدقلری
استخبار قلمقده اولوب محاکم نظامیه تشکیلاتی
قانوننک اللنجی ماده سنده ایسه (بلا عذر شرعی و بلا
رخصت تعطیل مأموریت ایدن حاکم محکمه یه دوام
ایتملکری مدت ایچون معاشلرندن محروم اولورلر
و بر آیده اوچ کره عذر سز و رخصت سز دوام ایتیان
حکام استعفا ایتمش عد اولنوب یرلرینه بشقه سی تعیین
اولنور) دیومحرر بولتمش و صورت مشروحه ده دوامه
اعتنا اولنمسی لزومی بعض و صایا علاوه سیله ۱۶ نیسان
سنه ۱۳۱۷ تاریخسنده دخی تبلیغ و اخطار قلمش
اولدیغندن بعدازین ینه حکامک بر آیده عذر سز
اوله رق اوچ کون کلدکری و یاخود کیچ کلوب ایرکن
کیتمک کبی دوامده مبالا تملرلر کویستردکری تقدیرده
حقلرنده ماده مذکوره حکمنه توفیقاً معاشلرندن



قسط الیوم اجراسنه ابتدار قلنه جنی وینه تأثیر کورلمدیکی حالده حکم قانونک تمامی ایفاسنه مجبوریت حاصل اوله جنی محاکم و دوائر عدلیه تبلیغ قلمشدر.

ایام ولیالی مبارکه حرمتنه احسان بیورلمقده اولان عفو عالینک جهت عدلیه جه محکوم اولان منسوبین عسکریه شمولنده مأمورین عدلیه جه تردد اظهار ایدلمکده اولدیغنک دردنجی اردوی هاپون مشیریت جلیله سندن اشعار اولدیغندن بجه لازم کلانلره تبلیغات افشای باتذکره سرعسکری ازار قلمش وایام ولیالی مبارکه حرمتنه احسان بیورلمقده اولان عفو عالی جرائم مستثنیه اصحابندن ماعدا جهت عدلیه جه محکوم اولوبده نشان مدت جزاییلری اکیل ایدن محکومین حقده شرفصادر اولدیغی جهت اولوبده کی اراده سنیه جناب ملوکانه حکم منقک محاکم عدلیه جه محکوم اولان سلاک جلیل عسکری منسوبینه دخی شمولی درکار بولدیغی تعمیماً اشعار ایدلمشدر .

حما سنجانی بدایت محکمه سی جزا دائره سنجه حکملری اعطا قلان بیک اوجوز طاقم مواد جزاییندن یوز الی قدری رأساً واللی قدری دخی اصحابنک استدعای وقوعه بناء محکمه تمیزه کوندلرک لازم کورایکن هنوز اعلاماتی تنظیم و محکمه مذکوریه تسیر ومتاقی مواد مترا که نک دخی معاملات لازمه قانونیه لری تسریع اولخامق واعلامات مذکوره ایله محکوم اولان اشخاصدن بعضی بیک مدت جزاییه لری بالا کال سیلیری اخلاقوب ججه دعوالرینک مواد مهمه جناییه به تقدماً رؤیت ایدلمک وحقارنده اسباب ثبوتیه قانونیه موجود اولان بعض اشخاصک تحلیله لری جهته کیدلمک کی یولسزاق وقوعی محلی متصرفنک اشعارینه عطفاً سوریه ولایتدن اشعار اولنمی اوزرینه سریعاً محل مذکوره عزیمتله شایان دقت واهمیت اولان اشعار واقع حقده تحقیقات مقتضیه اجرا و نتیجه سنک انببای لزومی بیروت و سوریه ولایتلری عدلیه مفتشکنه تبلیغ قلمشدر.

غلوسدن پساپورطسز اوله رق کلان لیاچو ولد آورامدن پساپورط نظامنامه سنک اون بدنجی ماده سی موجب جه جزای نقدی استحصالی ضمتنده نفوس نظارتندن وقوعبولان مزاجعته بناء مرقوم حقده نظامنامه نک اون طقوزنجی ماده سه توفیقاً معامله اجرایی مدعی عمومی معاونلکسندن طلب ایدلمی اوزرینه مرکز ولایت بدایت محکمه سی جزا دائره سندن

مذکوراون طقوزنجی ماده مندرجاتی پساپورطسز یولجی قاجیران قیودان وقایعجیلر حقده اوله جنی معاملیه ی متضمن اولوب بونک پساپورطسز کلنلره شمولی اوله میه جنی کی اون بدنجی ماده ده دخی پساپورطسز کلنلردن جزای نقدی تحصیلنه وکیفیتک محکمه جه تدقیقنه دائر قید وصراحت اولدیغنه وشو حالده اساس مسئله نک تدقیق ورؤتی محاکم جزاییه نک وظیفه سی خارجنده بولدیغنه بناء دعوانک ردینه قرار ویرلیدی ویکیلر حقده هنوز برقرار قطعی اتخاذاولنماسندن ناشی بش سنده برو مالک اجبیه دن پساپورطسز ویاخود پساپورطلری ویزه سز اوله رق کلنلرک اکثرندن قانونک تعیین ایتدیکی وجهله پساپورط وویزه خر جلری تحصیل ایدله میوب واردات خزیننه نک ضیاعنه سببت ویرلمکده اولدیغی سلاک ولایت بهیه سندن اشعار وصورت معامله استفسار اولدیغندن وفی الحقیقه پساپورط نظامنامه سنک اون بدنجی ماده سنده پساپورطسز کلنلردن جزای نقدی تحصیلنه وکیفیتک محکمه جه تدقیق ورؤیته دائر صراحت اولدیغی کی مسئله نظامنامه مذکورک اون طقوزنجی ماده سیله ده قابل تطبیق کوریه میوب اتخاق مذکور نظامنامه موجب جه پساپورطسز کلنلردن آلتسی لازم کلان ایکی مثلی خرج جزای نقدی قیلندن ونظامنامه احکامه مخالف حرکتده بولماسندن طولانی حبس اولملری ویاخود جزای نقدی ویرملری لازم کلنلر حقده محاکم نظامیه ده حکم استحصالی مقدمات وپسا یورط معاملاسندن منبع دعاوینک محاکم نظامیه ده رؤتی ۲۵ اگستوس سنه ۱۳۱۳ تاریخی شورای دولت قرارینه منی مؤخرأ اجرا قلانز تبلیغات مقتضاسندن بولدیغندن بجه تبلیغات واقعه وجهله معامله اولنمی لزومی داخلیه نظارت جلیله سندن وارد اولان ۱۶ کانون اول سنه ۱۳۱۶ تاریخی تذکرده اشعار قلمش اولغله قرار مبحوث دائره سنده افشای معامله اولنمی خصوصی لازم کلانلره تبلیغ ایدلمشدر .

دوائر حکومته متعلق اوله رق محاکمه ره رؤت اوله جنی دعاویدن طولانی دوائر مذکوره دعوی ویکلری طرفندن برموجب نظام محاکمه اعطاسی لازم کلان خرجلرک نوع ومقدارینی مین اول امرده بولره محاکدن برر علم وخبر ویرلمی بدایه دعوی ویکلری طرفندن منسوب اولدقلری دائره لردن لاعلی تعیین فضله اچه النسنه میدان براقیه جفتدن بشقه کرک حقوق خزیننه نک ضیاعدن وقایه سی وکرک حساباتک محور لایقنده جریانی نقطه نظرندن مناسب

اوله جنی حقده اوله وقوعبولان وصایا دائره سنده افشای معامله ایدلمی لزومی بکره دخی لازم کلنلره تبلیغ اولنمشدر .

شهادتنامه لی دعوی وکیلی بولنغان یرلرده اجرت وکالتک محاکمه تقدیر ایدلماسندن ناشی زراعت باقیسنه عائد دعاوی بی شهادتنامه سز دعوی ویکلری قبول ایتیه جکلرندن شهادتنامه لی دعوی وکیلی استخدامی ممکن اولمیان یرلرده اجرت وکالتک بروجه سابق محاکمه تقدیر واعلامه درجی حقده کی اشعاره اجرت وکالتک محکوم علیهن استیفا سنه محکمه جه اساس حکم ایله برابر قرار ویرله یلمی دعوی ویکلری نظامنامه سنک بخش ایتدیکی برامتیاز استثنائی اولسنه ونظامنامه مذکور ایسه رخصت مخصوصه یی حائر اولان دعوی ویکلری نه متدائر بولسنه کوره اشخاص سائر حقده بالطبع تطبیق اولنه میوب بونلرک وکالتی مجله حکمنه تابع اولق ضروری بولدیغی جهتهله دوائر دولت ویاقنه نامه اجرای وکالت ایدنلر حقارنده نظامنامه مذکوره توفیق معامله جائز اوله میه جنی جوابی ویرلمشدر .

اراضی امیریه دعوالرنده دفتر خاقانی مأمورینک انشای محاکمه حضوری امر سامی اقتضاسندن بولنمشکن نابلس سنجانی بدایت محکمه سنجه بواسوله رعایت اولنیه رق بعض حدود وسنور دعوالرنده مأمور مومی الیهک محل نزاعه کوندلرمدیکی کی مطالبه سی استماع واثای مذاکرده حاضر بولنلر لمدیغی حقده وقوعبولان اشعار اوزرینه بالجله اراضی امیریه ایله تخصیصات قیلندن اولان اراضی موقوفه دعوالرینک انشای محاکمه سنده و اجرای کشفنده دفتر خاقانی مأمورینک حضوری لایه ایه ده مأمور مومی الیهک حضوری طرفین مثالی ادعا ومداقه ایچون اولیوب مجرد صاحب ارض وکیلی مقامتده بولنسیله رقبه اراضینک جانب بیت المال عائداتی اخطار مقصدیه ملابس اولسنه نظراً انشای محاکمه ده حاضر بولنه جنی مأمور مومی الیهک خصوص منازع فیه حقده استماع مطالعه سنه وجریان محاکمه اوزرینه ترتیب حکم ایچون محکمه جه اجرا قلنه جنی مذاکرده حضورینه لزوم ومحل اوله میه جنی انجمن عدلیه قراریه ایجاب ایدنلره ازار اولنمشدر .

محاکمات قضاوت

خداوندکار استیفاف محکمه سی حقوق دائره سندن ویریلان قرق اوج نومرولی اعلامک تمیزی بروسه لی فروسینه قادن استدعا ایتدیکی حالده تعیین اولان کونده اجابت ایتدیکندن میزعلیه یورغانی استیفا دینک وکیلی صالح افدینک ایضاحات شفاهی سی ایله باش مدعی عمومی معاوننک مطالعه سی استماع قلندقدن واعلام مذکورک حکمی مرقوم یورغان کینک مزبوره فروسینه قادن ذمتنده التون اوله رق الاجبی بولسان یکرمی درت بیک غروشک تأمین استیفا سی ضمتنده عهده سنده وفاء مرهون اولان بر باب خانه نک فروخیته اتمانندن مبلغ مدعانک تسویه اولنسنه دائر بروسه بدایت محکمه سندن ویریلان اعلام ابتدائیک مجله نک بیک یدیوز اوتوز بدنجی واصل محاکمه حقوقیه قانونک یوز طقسان التنجی وطقسانجی ماده لری احکامنه توفیقاً تصدیقه قرار ویرلیدکندن مزبوره فروسینه قادنک قرار مذکور علیهنه کی اعتراضاتنک خلاصه سی دعوی واقعه ده ساخته کارلق ادعا اولنمش ایکن کرک بدایت وکرک استیفاف محکمه لرنده مدعی عمومینک مطالعه سی استماع اولدیغندن اعلام مذکورک نقضی ومدعی علیه یورغان کینک جوابی اعتراض مذکور غیر وارد وحکم ابتدائی اصول وقانونه موافق اولدیغندن تصدیق طلبندن ومدعی عمومی معاوننک مطا له سی عند الحاکمه ساخته نک ادعای درمیان اولنمشیکن مدعی عمومینک مطالعه سنک استماع اولنمی مغایر قانون اولدیغی بیاندن عبارت بولدیغی اکلاشدقدن صکره ایجابی مذاکره اولندقدن اعلام مذکور مآلنه نظراً بیع واقفک مستند اولدیغی علم وخبرک ساخته اولدیغی بدایه واستیفا مزبوره فروسینه قادن جانبندن ادعا اولدیغی حالده انشای محاکمه ده مدعی عمومینک حاضر بولنلرملامی و دینک جهت واساسی تدقیق اولنمادی و مجله نک بیک یدیوز اوتوز بدنجی ماده سنده محرر قیود خاقانیدن مقصد بوندن بر قاق یوز سنه مقدم مؤتمن ومونوق محررلر معرفتیه تحریر وتنظیم اولنوب الیوم دفتر خانه ده مخزن مخصوصنده کال دقت واعتنا ایله حفظ اولنقدن اولوب بو وجهله شبهه تزویر وتصنیعدن سالم دفاتر معتابها قیودی اولدیغی حالده ماده مذکوره به یاکش معنا ویرله رک طاپوسندنک قیود دفتر خاقانیدن عدلیه ماده مذکوره به استداداً حکم ایدلمی مغایر قانون اولدیغندن اصول محاکمه حقوقیه قانونک ایکوز اوتوز ایکنجی وایکی یوز قرق برنجی ماده لری موجب جه اعلام مذکورک نقضه ویزبرده مفرداتی مرقم مصارف تمیزی بیک

ایلروده حقسز جیفه جق طرفه رجوع ایتک اوزره اول امرده مستدعی فروسینه قادنندن اخذیه محکمه تمیز حقوق دائره سنجه قرار ویرلشدر .

مخبران و انبیا هیته

نابلس سنجانی بدایت محکمه سی جزا دائره سی رئیس اسبقی عادل و محکمه مذکوره مدعی عمومی معاون اسبقی بهادالدین ومستطق اسبقی عبداللطیف افدیلرک ایفای وظیفه خصوصنده مشهود اولان حرکات قانون شکنانه لرندن طولانی محکمه مذکوره اعضاسیله برلکده اجرای محاکمه لرینه مأذونیت ویرلشدر .

ماردین سنجانی بدایت محکمه سی اجرا مأمور سابق حسن سامی افدینک مواد معینه ده خلاف قانون معامله یه جرأت ایتک ورسوم تحصیلیه دن ذمتنه اچه کپورمک صورتیه وظیفه مأموریتی سوء استعمال ایدلیکی مجلدن ارسال قلانان اوراق تحقیقه مآلندن منفهم اولمی اوزرینه اصول ونظامنه توفیقاً مومی الیهک تحت محاکمه ای آلتسی دیاربکر استیفاف مدعی عمومیکنه اشعار اولنمشدر .

قیصریه سنجانی بدایت محکمه سی مستطق عمر فوزی افدینک مرور زمان وقوعنه سببت ویرمش وخلاف اصول وقانون سائر معاملات جرأت ایتش اولدیغی مجلدن وارد اولان اوراق تحقیقه دن اکلاشلمی اوزرینه ذکر اولان مستطقلکدن عزل ایدلیکی کی تحت محاکمه ای آلتسی حقده ده انقره استیفاف مدعی عمومیکنه تبلیغات ایفا قلمشدر .

عونیه قضای بدایت محکمه سی برنجی کاجی اسماعیل و محکمه مذکوره مستطق معاونی جودت افدیلرک اخذ رشوته وظیفه لری سوء استعمال ایتدکلری مجلنجه اجرا واسرا اولان تحقیقاتی حاوی اوراق مندرجاتندن اکلاشلمسیله اصولی دائره سنده حقارنده تعقیبات قانونیه اجرا ایدلمک اوزره بالعزل یرلرینه دیکرلری تعیین ایدلمشدر .

سیورک قضای بدایت محکمه سی اعضاسندن اولوب محکمه مذکوره مستطقلکی وظیفه سی ایفا ایتکده اولان عثمان افدینک جرائم عادیه مظنونلری مخالف قانون

توقیف وتحلیله جرأت صورتیه وظیفه سی سوء استعمال ایتدیکی مجلدن کوندریلان اوراق تحقیقه مندرجاتندن مستبان اولغله عزلی وحرکات واقعه سندن طولانی تحت محاکمه ای آلتیه رق حقده اقتضا ایدن تعقیبات قانونیه نک اجرایی لزومی دیاربکر ولایتی استیفاف محکمه سی مدعی عمومیکنه ازار قلمشدر .

الاعانات

قره مرسلک قوغه جق قریه سندن بطریق اوغلی طودوری وادینا کینک خانه سی دیواری دلهرک بالدخول زوجهنک صدق دروننده بولان اچه سنی سرقت ایدلیکی ادعاسیله مظنون علیه اولوب درسعادت هیئت اتهامیه سندن جنایتیه حقده اخذ وکرفت مذکره سی ویرلش اولان اورته بویلی الا کوزلی قالی آلتیلی یاضی برونی مدور چکلکی تبه قریه لی دیمتری ولد طوپوز خره لمو الآن اله کپوریه مامش اولمسندن ناشی اصول محاکات جزاییه قانونک اوچوز تیش برنجی ماده سی موجب جه قانونه اطاعتله محکمه به کلی ایچون طرف ریاستدن مجدداً اون کون مهل ویرلش اولدیغندن مدت مذکوره ظرفنده اثبات وجود ایتدیکی حالده محاکمه سی غیاباً بالاجرا حقوق مدینه دن اسقاط واموالی جزا ایدله جکی وبوباده مرقومک برکونا دعوا اقامه سنه حق اوله میه جنی کی مرقومک بولدیغی محلی بیلنلر خبر ویرمه والجله ضابطه عدلیه مأمورلرینک مرقومی در دست ایتکه مجبور بولندقلری اعلان اولنور

فی ۱۰ ایلول سنه ۱۳۱۷ ازبید بدایت محکمه سی جزا دائره سی

بیک اوجوز اون بدی سنه سی مارتنک یکرمی طقوزنجی پنجشنبه کیجه سی ساعت ایکی قرارلرنده اذمیدک ترویه قریه سندن مصطفی باش اوغلی حسن مارتین قورشونیه جرح وقل ایتدیکی ادعاسیله مظنون علیه اولوب درسعادت هیئت اتهامیه سندن جنایتیه حقده اخذ وکرفت مذکره سی ویرلش اولان ریزه نک سرتوز قریه سندن اورته بویلی اسمر یوزلی سیاه کوز وقاش وصاچلی عادتا آغز و برونی شاب امرد اون سکر باشلرنده نمش اوغلی هارون الان اله کپوریه مامش اولمسندن ناشی اصول محاکات جزاییه قانونک اوچوز تیش برنجی ماده سی موجب جه قانونه اطاعتله محکمه به کلی ایچون طرف ریاستدن مجدداً

اون کون مهل ویرلمش اولدیغندن مدت مذکوره ظرفنده اثبات وجود ایتدیکی حالد محاکمه سی غیایاً بالاجرا حقوق مدنی دن اسقاط واموالی حیز ایدیه جکی وبوباده مرقومک برکونا دعوی اقامه سته حق اوله میه جنی کبی مرقومک بولدیغنی محلی بیلنلر خبر ویرمه که وبالجمله ضابطه عدلیه مأمورلرینک مرقومی دردست ایتکه مجبور بولندقلری اعلان اولنور .

۱۱ ایلول سنه ۳۱۷
ازمید بدایت محکمه سی
جزا دائره سی

تجاردن حاجی سلیمان افندی زاده حاجی حسن افندی بوندن اقدام درسعادته قبان دقیقه جامع شریف تحتده برنومرولو دکانده ارپه جیلک ایتکه ایکن ایوم اقامتکاهی مجهول بولنن قورپچایی مغردیچ ولد اغوب بویاجیان نام کسسه علینه بشیک التیوز قرق غروشک مع فائض ومصارف محاکمه تحصیلی حکمنی متضمن درسعادت ایکنجی محکمه تجارتندن استحصال ایلدیکی ۹ اغستوس سنه ۳۱۷ تاریخ وایکوز اتی نومرولو اعلام غیابینک برقطه صورت مصدقه سی اصول محاکمه حقوقیه قانوننک یوز قرق طقوزنجی ماده سنک فقره اخیره سی احکامنه توفیقاً محکمه نک دیوانخانه سنه تعلیق قلندیکی کبی اوراق حوادث واسطه سیله دخی اعلان اولنور .

۲۵ جمادی الاول سنه ۳۱۹

۲۷ اغستوس سنه ۳۱۷

طاشچی اوغلی نیقولینک محمد طلعت بک ذمتده محکوم به آله جنی اولان معلوم المقدار مبالغت تأمین استیفاسی ضمنده داین مرقوم نزدنده مرهون اولان اون بش بحق درهم ثقلنده واون سکر عیارنده برعدد آتون ساعت قوردونک فروختیه تسویه دین ایتدیراسی حکم اعلام اقتضاسندن اولغله مذکور مرهون اولان آتون قوردونک ایلوک یکریمی طقوزنجی جمعه ایرتسی کونی ساعت یدی قرارلرنده بدستان عتیقه بالمزایده فروختی مقرر ایدوکی بک اوغلی اجرا مأموریتی جانبدن اعلان اولنور .

فی ۱۵ ایلول سنه ۳۱۷

صمائیة ایامینا کلیسای زقاغنده ساکن افتاد ولداستاورینک درسعادت ایکنجی حقوق محکمه سندن استحصال ایلدیکی برقطه اعلام موجبجه قوم قپوده چادرچی احمد چایی محله سنده چشمه زقاغنده اون ایکی نومرولو خانه ده مقیمان جمال پاریسیخ کیغورقیان

وزوجه سی طاقوهی ذمتلرنده اوچ قطعه سند موجبجه یگدیکره کیفل بالمال صورتیه آله جنی اولان الی ایکی عدد عثمانی لیراسنک تأمین استیفاسی ضمنده مرقومانن پاریسیخک قومقپوده چادرچی احمد چایی محله سنده چشمه زقاغنده یوز یکریمی حصه اعتباریه متصرف اولدیغنی اون ایکی نومرولو خانه نک آلتش حصه سی محکمه قراریه تحت حیزه آلدیرلمش ایسه ده بالاخره حیزک تصدیق حقنده ویریلان استدعا قرارک تبلیغندن صکره اعطا ایدلمسی لازم ایکن تبلیغندن مقدم ویرلمش اولدیغندن حیز موضوعک کان لم یکن حکمنده اولدیغنه والی ایکی لیرای عثمانینک مع فائض ومصارف محاکمه مدعی علیهمادن تحصیلنه محکمه مذکوره جه حکم اولمش ومدعی علیهمانک غیوبتی جهتیه اعلام مذکور صورت مصدقه سی بعد الاعلان محکمه مذکوره دیوانخانه سنه تعلیق قلندیکی کبی مرقومانک الآن غیوبت ایتدیکی آکلاشلمش اولدیغندن اجرا قانوننک یکریمی طقوزنجی ماده سی موجبجه مرقومانک اوچ آی ظرفنده اثبات وجود ایتسی وایتدیکی تقدیرده دینک ایفاسندن امتناع ایتش عد اولنه رق داین طرفندن ارئه اولنه حق نقود واشیا واملاکک حیزیه مدت مذکوره نک اقتضاسندن اعتباراً مزایده وفروختی کبی مقتضای قانونک اجرا قلنه جنی درسعادت اعلامات نظامیه اجرا دائره سندن اعلان اولنور .

۱۷ ایلول سنه ۳۱۷

محمد باهر وعبدالقادر ماهر بکلرک درسعادت بدایت محکمه سی برنجی حقوق دائره سندن استحصال ایلدکلری اعلام موجبجه امینه سانحه خانم ذمتده آله جنی اولان مبالغ معلومه نک تأمین استیفاسی چون مدیونه مومی الیهانک عهده تصرفه سنده بولنان عتیق علی پاشا جامعشریفی جوارنده بقله خانی قارشوسنده تخمیناً طقسان آرشون عرصه اوزرینه مبنی کارگیر اوله رق فوقده ایکی اوطه وبرآبدستخانه وشهری سکر مجیدیه ایجار کتورر اون سکر نومرولی مقدما قهوه والیوم مرانغوز دکانک نصف حصه سی داین مومی الیهانک وقوعبولان طب واستدعالری اوزرینه قرارلشدیرلمش اولدیغندن مذکور حصه نک تاریخ اعلانن اعتباراً اون بش کون صکره بالمزایده فروخته تشبث اولنه جنی درسعادت اعلامات نظامیه اجرا دائره سندن اعلان اولنور .

فی ۱۸ ایلول سنه ۳۱۷

صراف واسیلک آدیریقو ذمتده محکوم به آله جنی اولان معلوم المقدار مبالغت تأمین استیفاسی ضمنده مدیون مومی الیهک عهده تصرفه بولنان بک اوغلنده قمر خاتون محله سنده یاسمین سوقاغنده برنومرولی عرصه نک اوچ حصه اعتباریه برحصه سی لدی المزایده یدیوز غروش بدل ایله طالی عهده سنده تقرر ایش اولدیغندن تاریخ اعلانن اعتباراً اوتوزبر کون صکره یوزده بش ضمیله طالب اولانلرک بک اوغلی اجرا دائره سنه و اوتوز برنجی کونی دخی قرار داده سی کشیده اولنق اوزره اوزره ساعت درت راده لرند مذکور عرصه نک پیشکاهنده حاضر بولنلری اعلان اولنور .

فی ۱۹ ایلول سنه ۳۱۷

صد بک وفاطمه محتومه خانملرک انور افندی ذمتده محکوم به آله جقلمی اولان معلوم المقدار مبالغت تأمین استیفاسی ضمنده مدیون مومی الیهک اقسرایده الاجه مسجد جوارنده چاقراغا محله سنده یکی سوقاقده اوتوز نومرولی خانه ده متصرف اولدیغنی ربع حصه شایعه سی تحت حیزه الهرق لدی المزایده بشیک بشیوز غروش التون اقچه بدل ایله طالی عهده سنده تقرر ایدوب بوندن زیادیه طالب اولانلرک یوزده بش ضمیله دائره اجرایه مراجعت ایتلمی و اعلان تاریخنک اوتوز برنجی کونی ساعت درت قرارلرنده صوک قرار داده قطعسی خانه مذکورک پیشکاهنده کشیده اولنه جنی بک اوغلی اجرا مأموریتی جانبدن اعلان اولنور .

فی ۲۴ ایلول سنه ۳۱۷

یوان وشراکسنک وکیلی پاولاکی افندی نک سالم بک ذمتده محکوم به آله جنی اولان معلوم المقدار مبالغت تأمین استیفاسی ضمنده مدیون مومی الیهک عهده تصرفه بولنان زهدی پاشا محله سنده سلامی چشمه سی موقعنده بغداد جاده سنده ۵۸ نومرولی مع مشتملات کوشک لدی المزایده یتش بیک غروش بدل ایله طالی عهده سنده تقرر ایش اولدیغندن تاریخ اعلانن اوتوز برکون صکره یوزده بش ضمیله طالب اولانلرک بک اوغلی اجرا دائره سنه و اوتوز برنجی کونی دخی قرار داده سی کشیده اولنق اوزره ساعت درت قرارلرنده مذکور کوشکک پیشکاهنده حاضر بولنلری اعلان اولنور .

۲۶ ایلول سنه ۳۱۷